

ԿԱՍՈ Բ. ԱԼԵՔՍԱՆՅԱՆ

ԵՊՀ ֆիզիկական աշխարհագրության և
ջրաօդերևութաբանության ամբիոն

ԳՐՈՂ ՐԱՖՖԻՆ՝ ԱՇԽԱՐՀԱԳԵՏ, ՀԱՅՐԵՆԱԳԵՏ ԵՎ ՃԱՆԱԴԱՐՀՈՐԴ

Բանալի բառեր - աշխարհագրական-հայրենագիտական նյութ, ու-
ղեգրություն, տեղանուն, բնապատկեր, աշխարհագրական տեղավայրե-
րի գեղարվեստական ընկալում:

Խնդրի դրվածքը - Րաֆֆին առավելապես հայտնի է որպես տաղան-
դավոր գրող, բայց քիչ ուսումնասիրված է որպես աշխարհագետ, հայրե-
նագետ և ճանապարհորդ: Ուստի խնդիր է դրված նրան ներկայացնել
այս տեսանկյունից, քանզի հայ գրողներից քչերը կարող են համեմատվել
Րաֆֆու հետ՝ աշխարհագրական տեղեկատվության հավաստիության
և անաչառության մատուցման առումով:

Հետազոտության արդյունքների վերլուծություն: Րաֆֆին թողել է
գրական մեծ ժառանգություն՝ հատկապես պատմավեպեր և ուղեգրու-
թյուններ: Դրանք աչքի են ընկնում աշխարհագրական-հայրենագիտա-
կան մեծաթիվ տեղեկություններով:

Փորձենք դրանց հիման վրա Րաֆֆուն ներկայացնել թե՛ որպես ճա-
նապարհորդ, թե՛ աշխարհագետ, և թե՛ հայրենագետ:

Րաֆֆուն որպես ճանապարհորդ ներկայացնելիս պետք է հենվել
նրա ուղեգրությունների վրա, որոնցից մեզ են հասել երեքը՝ «Ճանապար-
հորդություն Պարսկաստանի», «Ճանապարհորդություն Թիֆլիսից մինչև
Ագուլիս» և «Երկու ամիս Ադվանից և Սյունյաց աշխարհներում» [2]:

Առաջին ճանապարհորդության ժամանակ Րաֆֆու երթուղին անցել
է բազմաթիվ բնակավայրերով. Էջմիածին-Շահթախտ-Մակու-Խոյ-Դուզ-
լաղ-Սալմաստ-Փայաջուկ-Փոքր Հաղբակ-Հաղբակ-Մար Գավառ-Ուշնի-
Ուրմիա-Սինա-Սակղ-Սուլդուզ-Սովուխ Բուլախ-Բինաբ-Միանդաբ-Մարա-
ղա-Դոխարգան-Գունեստան-Թավրիզ:

Երկրորդ ճանապարհորդության սկիզբը 1877 թվականի սեպտեմ-
բերն էր, երբ Րաֆֆին, մեծապես հետաքրքրվելով «կյանքի ուսումնասի-
րության» խնդիրներով, ձեռնարկում է իր նոր երթուղին. Թիֆլիս-Ադտա-
ֆա-Դիլիջան-Քարվանսարա-Սիմյոնովկա-Սևանա լիճ - Չիբուխլու - Ելե-

Նովկա - Ախտա - Նոր Բայազետ-Երևան-Վաղարշապատ-Նորազավիթ-Ազ-Համզալի-Յուվա-Դավալու-Սադարակ-Բաշ Նորաշեն-Նախիջևան-Ագուլիս ուղղությամբ:

Րաֆֆու երրորդ ուղևորությունը կատարվել է 1881թ. հուլիս-սեպտեմբեր ամիսներին՝ ընդգրկելով Թիֆլիս-Սալահյուլ-Շամքոր-Կարաեր-Գանձակ-Ելենդորֆ-Հաջիշեն-Ազատ-Գետաշեն-Կարաբուլաղ-Թոդան-Էրքեջ-Կարաչինար-Խարխափուտ-Գյուլիստան-Թոռուտ-Հոռեկ-Թալիշ-Մատաղիս-Դաստակիր-Տոնաշեն-Չարդախլու-Մեծ Շեն-Մոխրաթաղ-Նոր-Մոխրաթաղ-Կուսապատ-Մարտակերտ-Գյուլյաթաղ-Ջանյաթաղ-Մեհմա-Նա երթուղին:

1881 թ. հուլիսի 20-ին Րաֆֆին ընդհատում է «Մշակում» «Դավիթ Բեկը» հատված առ հատված տպագրելը և որոշում է Դավիթ Բեկի հետքերով մեկնել Արցախ ու Սյունիք՝ վեպի գրության համար անհրաժեշտ պատմական սկզբնաղբյուրները որոնելու: Արդյունքում հավաքվում են ոչ միայն վեպի համար անհրաժեշտ նյութերը, այլև դրանք հիմք են դառնում «Խամսայի մեղիքությունները» գրելու համար: Այս ճանապարհորդությունը մեծ տպավորություն է թողնում Րաֆֆու վրա: Ինչպես գրում է Ս. Սարիսյանը. «18-րդ դարի Սյունյաց աշխարհը հիրավի հայտնություն եղավ Րաֆֆու համար: Դավիթ Բեկի գլխավորած ազատագրական շարժումը, Արցախի մեղիքությունները միանգամայն Նոր դրվագներ էին գրանցում հայոց պատմության էջերում, հուշում ազգային ոգու կենսունակության չսպառված հնարավորությունները» [4]:

Րաֆֆին ինքը ուղեգրության մեջ գրում է, թե ինչպես է հավաքել անհրաժեշտ պատմական նյութերը ձեռագրերի հիշատակարաններից, վիմական արձանագրություններից, ինչպես նաև գրառել Արցախում և Սյունիքում այդ շրջանին վերաբերող և ժողովրդի հիշողության մեջ դեռևս կենդանի պատմություններն ու ավանդությունները: Իր ուղևորության ընթացքում թե ինչպես է Րաֆֆին մանրակրկիտ հավաքել պատմական բնույթի հնարավոր բոլոր նյութերը, երևում է Ա. Ծատուրյանի հուշերից: Վերջինս ուսուցիչ է եղել Սյունիքի Եղվարդ գյուղում և Րաֆֆուն ուղեկցել է մի շարք բերդեր և վանքեր գնալուց: Ծատուրյանը գրում է, որ իր տատը գրողին պատմել է «Դավիթ Բեկի ժամանակներին վերաբերող հին գրույցներն ու ավանդությունները», որոնք Րաֆֆին գրի է առել իր ծոցատետրում [3, էջ 271]:

Րաֆֆին «Սամվելի» առաջաբանում նշում է, որ պատմությունը կենդանություն է հաղորդում ժողովրդի կյանքին և ցավով նկատում էր, որ մեր պատմության մեջ բացակայում է ժողովուրդը: Մոտավորապես նույն

միտքը նա հայտնել է Ծատուրյանին. «Բավական չեն մեր վանքերում պահպանված ձեռագիր վավերագրերը: Դրանք չոր ու ցամաք տարեգրություններ են: Պատմագրություն ստեղծելու համար հարկավոր է նաև կենդանի նյութ, որը կուտակված է ժողովրդի կենցաղի մեջ» [4, 278]:

Գրողը նաև անհոգևաբեկ որոնում է պատմական հիշատակներ: Ինչպես վկայում է հուշագիրը. «Բաֆֆին անհամբեր որոնում էր մի գիր՝ քարե մի լեզու խոսեցնելու, սակայն գորշ ու անդողվելի քարակույտերը համառում էին» [4, 27]:

Ընդհանրացնելով երեք ճանապարհորդությունների արդյունքները՝ հանգել ենք մի շարք եզրակացությունների.

ա) Բաֆֆին տարբեր միջոցներով (ոտքով, ձիով, կառքով) հաղթահարել է մոտ 3000 կմ-ից ավել ճանապարհ և դրանով իսկ իրավացիորեն իրավունք ունի տեղ գտնելու այն բոլոր ճանապարհորդների շարքում, ովքեր իրենց հավաքած հարուստ տվյալներով, երկրից երկիր կատարած ուղևորություններով մեծ ներդրում են ունեցել աշխարհագրության պատմության հարստացման գործում:

բ) Բաֆֆուն ուղեգրությունների միջոցով հնարավոր է դառնում նրա անցած տարածքների բնության, բնակչության և տնտեսության առանձնահատկությունների բացահայտումը՝ հնարավորություն տալով մեզ հարյուր հիսուն տարվա կտրվածքով դիտարկելու դրանց փոփոխություններն ու վերջիններիս պատճառները:


գ) Ճամփորդական նոթերում Բաֆֆին ներկայացրել է իր անցած տարածքների բնական պայմանները, գյուղատնտեսության ճյուղերի՝ անասնապահության և բուսաբուծության վիճակը, բնակչության բաշխվածության և բնակավայրերի տեղաբաշխման տիպերը, բնակվող ժողովուրդների, ազգերի, ցեղերի թվաքանակը, նրանց կենցաղի ու սովորույթների, դավանանքի և ավանդույթների առանձնահատկությունները, տեղաբնակների առևտրական և արհեստային գործունեության ոլորտները, բազմաթիվ տեղանունների և աշխարհագրական տեղավայրերի անվանումների ստուգաբանությունը, ռելիեֆի յուրահատկությունները, բերդերի, ամրոցների, վանքերի ու եկեղեցիների նկարագրությունը:


Բաֆֆին որպես հայրենագետ, դիտարկելով բնությունն իբրև աշխարհագետի դիտարան և հասկանալով աշխարհագրության ոգին, որպես տարածության մեջ տարասեռ երևույթների զուգորդում և փոխներգործություն, յուրովի է ընկալում բնության երևույթները, լանդշաֆտների ու բնապատկերների էությունն ու փոփոխությունները: Իր ճամփորդություններով Բաֆֆին նպաստել է հայրենագիտական երթուղիների ընտր-


ման ու կազմակերպման գործին: Նա հայրենագետի ու գրող-գեղագետի անուրանալի ձիրքով է ներկայացնում իր բզկտված հայրենիքի տարեգրությունը, նրա ամեն մի հատվածի ռեյիեֆը, լանդշաֆտները՝ կատարելով աշխարհագրական օբյեկտների համեմատական գնահատում և վերլուծություն:

Տեղին է նկատել գրականագետ Ս. Սարիսյանը. «Բաֆֆու ստեղծագործությունը ժողովրդի պատմության մի ամբողջ հանրագիտարան է՝ կենցաղի, բարքերի, սոցիալական և քաղաքական ձգտումների, բնաշխարհի և տեղագրության հարուստ նկարագրություններով» [1, էջ 36]: Որպես հայրենագետի՝ Բաֆֆու ստեղծագործությունները տողորված են հայրենասիրական շնչով, հայրենի բնության հանդեպ ունեցած մեծագույն սիրով, հայրենի եզերքը ընկալելու և ճանաչելու ձգտմամբ ու ցանկությամբ:

Բաֆֆու շոշափած աշխարհագրական հարցերի շրջանակը լայն է թե՛ տարածաժամանակային և թե՛ ընդգրկման առումով: Դա ակնառու էրևում է մեր կողմից կազմված սխեմատիկ պատկերում (տես նկար N1):







Նկ. 1 Բաֆֆոլ շոշափած աշխարհագրական-հայրենագիտական հարցերի շրջանակը

Ամփոփում: Աշխարհագրությունը թե՛ գիտություն և թե՛ արվեստ դիտարկող, աշխարհագրության և գրականության առնչությունների հարցերով զբաղված մի շարք հեղինակներ [3, 4] գալիս են հաստատելու մեր այն տեսակետը, որ գրող Բաֆֆոլ ստեղծագործությունների աշխարհագրական նյութը բազմաշերտ և բազմակողմանի տեղեկատվության աղբյուր է:

Բաֆֆու գեղարվեստական գրականությունը, որպես ռեգիոնալ աշխարհագրության յուրատեսակ աղբյուր՝ արտացոլում է աշխարհագրության և գրականության առաջին հայացքից չերևացող կապերը՝ հատկապես մարդ-բնություն փոխհարաբերությունների դաշտում:

Բաֆֆու մատուցած աշխարհագրական տեղեկատվությունը կարող է սկզբնաղբյուրային արժեք ունենալ մեր տարածաշրջանի պատմաաշխարհագրական, էթնաաշխարհագրական, էթնոլեզվաբանական շատ հարցերի լուսաբանման, կնճռոտ խնդիրների պարզաբանման ու մեկնաբանման առումով, ինչն այսօր խիստ արդիական է:

К. Б. АЛЕКСАНЫЯ - ПИСАТЕЛЬ РАФФИ ГЕОГРАФ, ПУТЕШЕСТВЕННИК И КРАЕВЕД - Цель статьи показать вклад великого армянского писателя Раффи в области географии. Он своими путешествиями и набранным очень объемным и качественным географическим материалом в праве стать в ряду географов-краеведов и путешественников.

K. B. ALEKSANYAN - THE NOVELIST RAFFI AS AN GEOGRAPHER, LOCAL HISTORIAN AND TRAVELLER. - The purpose of the article is to show the contribution of the great Armenian novelist Raffi in the field of geography. With his travels and collected voluminous and high quality geographic materials he has the right to stand in the ranks of geographers, local historians and travellers.

ԳՐԱԿԱՆՈՒԹՅՈՒՆ

1. Սարինյան Ս. Բաֆֆու ստեղծագործությունը/ տես Բաֆֆի ԵԼԺ, հ. 1, էջ 9-36/ Ե., 1983թ.
2. Բաֆֆի ԵԼԺ, հ. 9, Ե. 1987թ.:
3. Բաֆֆին ժամանակակիցների հուշերում, աշխտ. Խ. Սամվելյանի, Երևան, 1986:
4. Սարինյան Ս., Բաֆֆի, Երևան, 2010:
5. Աշխարհագրության արվեստն ու գիտությունը / խմբ. Ջորջ Դեմկոյի և Վ. Աննենկովի/Ե. 2007, 90 էջ:
6. Արաքս Կ., Աշխարհագրությունը և գրականությունը, Ե. 2008, 144 էջ:

DOI: 10.54503/1829-0116-2022.1-14